



Serbski Sorbisches institut Institut

Wupisanje městna

Serbski institut pyta k najblišemu terminěj

wědomostneho sobudźělačerja/wědomostnu sobudźělačerku we wobłuku IT/digital humanities (ž/m/d)

Jedna so wo 75%-owske městno z wobmjezowanjom na tři lěta. Mzda płaći so po TV-L (E13), jeli su wosobinske wuměnjenska date.

Serbski institut je zwonkauniwersitne slědźenišćo z něhdźe 60 sobudźělačerjami/sobudźělačerkami na dwěmaj městnomaj (Budyšin a Choćebuz). Wón přeslědźuje rěč, kulturu a stawizny Serbow w Hornjej a Delnjej Łužicy w zańdženosći a přitomnosći. Integralnej wobstatkaj instituta stej Serbski kulturny archiw a Serbska centralna biblioteka.

Waše nadawki:

- koncipowanje organizatoriskich a předewšěm informacisko-techniskich aspektow planowaneho „Centralneho registra serbskeho kulturneho herbstwa“ z hłownej zamołwitosću; při tym mj. dr.
- modelěrowanje digitalnych reprezentacijow kulturnych datow (nałožowanje standardow a jich dalewuwiwanje) a
- wuwice digitalneje infrastruktury za registrowanje, zawěšćenje a prezentaciju kulturnych datow (datowe banki, user interface atd.).
- Po zakónčenju ca. lěto trajaceje koncepciskeje fazy: sobudźěło w scěhowacej pilotowej fazy.

Waš profil:

- zakónčeny wysokošulski studij na polu informatiki abo we wotpowědnych susodnych disciplinach,
- znajomosće we wobłuku digital humanities (digitalizacija, wobdźělanje a analiza datow), tež we wobchadženju z duchownowědomostnymi slědźenskimi datami a jich modelěrowanju,
- nazhonjenja při modelěrowanju datow z pomocu Open Linked Data a ontologijow,
- praktiske kmanosće zasadženja datowych bankow a wotprašowanskich rěčow (SQL, SPARQL), wuwica interfacow,
- praktiske znajomosće na wšelakich dźělnych polach systemoweje techniki za informacisku technologiju; jara dobre fachowe znajomosće na polu programowanja a

- wěšty wobchad z wuwinarskimi gratami (na př. PHP, JavaScript, Java, Python etc.), při elektroniskim wobdžělanju wobrazowych datow (Photoshop, GIMP etc.), w Markup-rěčach (wosebje XML/TEI) kaž tež w kartografiji/GIS-software,
- samostatne dźěło kaž tež dobra kmanosć za skutkowanje w teamje.

Serbski institut skići dynamisku a wjelestronsku dźěłowu wokolinu, charakterizowanu přez interdisciplinarne duchownowědomostne slědženje. Zwólniwość k dźěłu w serbskorěčnej wokolinje so wočakuje. Stajna přitomnosć na dźěłowym městnje w Budyšinje njeje trěbna. Na wosebite wobkedźbowanje ćežko zbrašenych při jenakej kwalifikaciji so džiwa.

Waše pisomne požadanje pósćelće prošu najpozdžišo hač do **30. apryla 2021** z trěbnymi podložkami a jenož w digitalnej formje (e-mejlka z jeničkim přiwěškom w formaće pdf) do direktorata Serbskeho instituta přez adresu si@serbski-institut.de. Tež pozdžišo dochadźace prócowanja móža so wobkedźbować, jeli je městno hišće njewobsadźene.

Poki w k škitej datow: Ze zapodaćom swojeho prócowanja přihłosujeće předžělanju Wašich wosobinskih datow we wobłuku a k přewjedženju procesa požadanja. Tute přizwolenje móže so kóždy čas bjez podaća přičin pisomnje abo elektronisce napřećo direktoratej cofnyć. Prošu wobkedźbujće, zo wjedže cofnjenje přizwolenja k tomu, zo njemóže so Waše požadanje w běžacym požadanskim procesu hižo wobkedźbować.